

Off de Sorng horng

Iech horch tief in den Nacht hinei.
Mei Hartz is fuller Sorng.
Was will de Still mir itze soong?
Was is mir neer verborng?

Hob iech ze vieles falsch gemacht?
Bi iech itze bald allaa?
Was ka iech tu, was bringt de Nacht?
Verlässt mich nu de Fraa?

De Sorng, die beiteln miech heit Nacht.
Dor Schloof kimmt gar net rei.
Is kaa fei net su wetter gie.
Dos is mei End, dos wess iech fei.

Ner reden ka iech net dorfu.
Dos is mor viel ze schwar.
Vielleicht tuts wieder besser warn.
Mei Hartz mecht dos su sar.

Iech will doch wieder Frieden ham.
Un net ner solche Sorng.
Vielleicht sollt ab un zu iech a
off meine Fraa mol horng.

Dann kennt su manchis besser sei.
Dos Laam wer net su schwar.
Mor hett mer Frieden un a Ruh.
Vom Laam, do het mor mar.

© Uwe Seltmann
Oktober 2019